



Møtebok for Kommunestyret

Møtedato: 22.02.2018
Møtestad: Kommunestyresalen
Møtetid: 16:00 - 19:30

Møtet startar med mat.

Presentasjon av resultatata frå UngData-undersøkinga ved rektor Liv Øydis Trædal og informasjon om Kvalitetsmeldinga for skule og barne hage ved oppvekstleiar Alf Strand i starten av møtet.

Frammøtte medlemmer	Parti	Rolle
Karstein Totland	H	Ordførar
Frode Langhelle	H	Medlem
Bjarte Andvik	H	Medlem
John Torsvik	H	Medlem
Wenke Fredheim Ekren	H	Medlem
Torill Torsvik Størkersen	AP	Varaordførar
Ragnvald Tangedal	AP	Medlem
Bjørn Egil Nordland	AP	Medlem
Siri Tangedal Kratzmeier	Krf	Medlem
Geir Egil Haugsvær	Sp	Medlem
Janne Judith K. Sandnes	Frp	Medlem

Forfall meldt frå medlem	Parti	Rolle
Atle Nordland	H	Medlem
Lene Hansen Kvamsdal	H	Medlem
Arthur Reidar Sjursen	AP	Medlem
Jon Hope	Krf	Medlem
Wenche Daae	Sp	Medlem
Egil Kvingedal	V	Medlem

Frammøtte varamedlemmer	Parti	Erstatter medlem
Hildegunn Bjånes	AP	Arthur Reidar Sjursen
Bjarte Dyrkolbotn	H	Atle Nordland
Astrid Daae Kristiansen	H	Lene Hansen Kvamsdal
Ellen Margrete Fotland Andvik	Krf	Jon Hope
Laila Furebotn	Sp	Wenche Daae

Tove Kristin Sleire Tistel	V	Egil Kvingedal
----------------------------	---	----------------

Følgjande frå administrasjonen møtte:

Rådmann Svein Helge Hofslundsengen, ass.rådmann Sveinung Toft og rådgjevar Anne Kristin Rafoss som førte møteboka.

Sakliste

Saksnummer: Sakstittel:

001/2018	Godkjenning av innkalling og sakliste	s. 04
002/2018	Godkjenning av møtebok	s. 05
003/2018	Mindre reguleringsendring Hosteland sentrumsområde	s. 06
004/2018	2. gangs handsaming av reguleringsplan for Risnes tomteområde - Dragseidevegen	s. 10
005/2018	Drøfting oppstart av offentlig reguleringsplan for naustområde på Hosteland med omkringliggjande areal	s. 20
006/2018	IKTnh - omorganisering og utviding	s. 24
007/2018	Referatsak	s. 27

Sakspapir

Sakshandsamar	Arkiv	ArkivsakID
Anne Kristin Rafoss		18/106

Saknr	Utval	Type	Dato
001/2018	Kommunestyret	PS	22.02.2018

Godkjenning av innkalling og sakliste

Rådmannen sitt framlegg til vedtak:

Innkalling og sakliste vert godkjend

Saksopplysningar:

Kommunestyret - 001/2018

KS - behandling:

Det vart gjort framlegg om Tove Kristin Sleire Tistel og John Torsvik til å skrive under møteboka.

Framlegg til vedtak vart samrøystes vedteke.

KS - vedtak:

Innkalling og sakliste vert godkjend

Sakspapir

Sakshandsamar	Arkiv	ArkivsakID
Anne Kristin Rafoss		18/106

Saknr	Utval	Type	Dato
002/2018	Kommunestyret	PS	22.02.2018

Godkjenning av møtebok

Rådmannen sitt framlegg til vedtak:

Møtebok vert godkjend.

Saksopplysningar:

Kommunestyret - 002/2018

KS - behandling:

Framlegg til vedtak vart samrøystes vedteke.

KS - vedtak:

Møtebok vert godkjend.

Sakspapir

Sakshandsamar	Arkiv	ArkivsakID
Sveinung Toft	FA - L12	17/1139

Saknr	Utval	Type	Dato
005/2018	Formannskapet	PS	16.01.2018
003/2018	Kommunestyret	PS	22.02.2018

Mindre reguleringsendring Hosteland sentrumsområde

Vedlegg:

Journalposttittel	Dato
F.bygg Utomhus	20.11.2017
Reguleringsendring Hosteland sentrumsområde	20.11.2017
F.Bygg Plantegning 1 etg 17.11.17	20.11.2017
F.bygg Plantegning 2 etg.17.11.17	20.11.2017
F.bygg Plantegning 3 etg. 17.11.17	20.11.2017
F.bygg Plantegning 4 etg 17.11.17	20.11.2017
F.bygg Plantegning 5 etg 17.11.17	20.11.2017
Fb.bygg Illustrasjonsbilde 17.11.17	20.11.2017
F.Bygg. snitt 17.11.17	20.11.2017
Reguleringsendring Hosteland sentrumsområde	20.11.2017
Hosteland føres (L)(19651)	11.12.2017
1266_20130004 (L)(19642)	01.12.2017

Rådmannen sitt framlegg til vedtak:

Masfjorden kommune vedtek at det i medhald av plan- og bygningslova sin § 12-14 vert gjort følgjande mindre reguleringsendring i reguleringsplan for Hosteland sentrumsområde.

Punkt 3.5.1 i føreseigna vert endra til følgjande formulering:

Maksimal utnytting for KBA1 er sett til %BRA= 90%. Maksimal mønehøgde er sett til 17,5 meter over gjennomsnittleg planert terreng.

Saksopplysningar:

Bakgrunn og fakta:

Fensfjordbygg AS, som eig tomt på gnr. 14 bnr. 104 på Hosteland, innanfor reguleringsplanen for Hosteland sentrumsområde, ber i brev av 17.11.2017 om at det vert gjort endring i reguleringsføresegna sitt punkt 3.5.1 som er knytt til høgden på bygningar innanfor arealføremålet KBA1. Dei ber om at høgden kan aukast frå 13 meter til 17,5 meter innanfor dette definerte

arealføremålet, slik at det vert plass til ein etasje meir enn tidlegare planlagt. Det vert vist til vedlagde teikningar, snitt, godkjent reguleringsplan og situasjonskart m.v., som er vedlagt saka.

Dei skriv:

«Fensfjordbygg AS skal oppføre nybygg på tomt gnr. 14 bnr.104 på Hosteland. Tomten er regulert som KBA1 i vedteken reguleringsplan.

Bygget skal innehalde kontor for offentleg verksemd, butikk, samt 10 leiligheiter. Tomten er i minste laget, og vi har utfordringar med å etablere nok parkeringsplassar på eigen grunn.

For å oppnå tilstrekkeleg areal til dei føremål vi vil ha inn, må vi derfor bygge i 4 etasjar, for å spare grunnflate. På denne måten disponerer vi tomtearealet best, slik at alle behov blir ivaretatt.

Grunnflate 1.etasje blir 1147 m². Areal 2. og 3.etasje blir 804 m², medan 4.etasje blir 752 m².

I reguleringsføresegnene for KBA1 punkt 3.5.1 er byggehøgde sett til 13,5 m.

Som vedlagte snitt av bygget viser, blir dette for lite.

Konklusjonen er at punkt 3.5.1 må endrast til inntil 17,5 m.

Bygget er eit viktig samfunnsmessig tiltak, som er viktig for Masfjorden sin vidare utvikling. Utan eit slikt bygg, vil Masfjorden stå i fare for å miste viktige funksjonar.

Vi ser reguleringsendringa som ein liten endring. At bygget blir høgare vil ikkje sjenere nokon, då terrenget bak er og fortsatt vil bli ubebygd.

Vi legg ved situasjonsplan, teikningar og snitt for bygget.»

Orientering om gjeldande planstatus:

Reguleringsplan for sentrumsområdet på Hosteland vart godkjent i kommunestyret i sak 051/2015 i møte den 18.06.2015. Hovudføremålet med reguleringsplanen er å leggja til rette for sentrumsutvikling innanfor planområdet, samt sikra areal til fortau og mindre utbetring langs fylkesvegen som går gjennom planområdet. Reguleringsplanen har plan-id 1266-20130004.

Saka vart i brev av 11.12.2017, sendt på høyring til aktuelle grunneigarar og naboar, samt til aktuelle regionale etatar. Frist for merknad vart sett til 10. januar 2018. (Eventuelle seine merknader som skulle koma inn vil verta lagt fram i møtet eller sendt ut til møtet.)

Det er per dagsett dato kome inn merknader frå Statens Vegvesen, Hordaland fylkeskommune og Fylkesmannen i Hordaland. Ingen av desse tre instansane har motforestillingar til omsøkt planendring.

Vurdering:

Rådmannen har vurder omsøkt planendring og meiner at saka etter at den no har vore på høyring kan handsamast i medhald av plan- og bygningslova sin § 12-14. Omsøkt endring med å auka høgden frå 13 meter til 17,5 meter innanfor dette definerte arealføremålet, vil etter administrasjonen si vurdering ikkje påverka omgjevnadane i særleg grad. Det vert vektlagt at arealet ligg på baksida av eksisterande bygg og at auka bygningshøgde ikkje vil ha særleg påverknad på eksisterande bygningar og naboar sitt behov for luft og utsikt/sol. At det ikkje er kome vesentlege merknader frå dei regionale instansane kan og vektleggjast i saka.

Det vert og vist til at terrenget bak omsøkt stad er høgare enn omsøkt høgde på 17,5 meter, og byggjet vil difor også med auka høgde verta godt tilpassa omgjevnadane/ miljøet på staden.

Planlagt mindre planendring vil då kunna medføra følgjande ny formulering i føresegnene sitt punkt 3.5.1:

Maksimal utnytting for KBA1 er sett til %BRA= 90%. Maksimal mønehøgd er sett til 17,5 meter over gjennomsnittleg planert terreng.

Konklusjon

Rådmannen rår til at føresegna sitt punkt 3.5.1 vert endra som skrive ovanfor, og at vedtaket vert gjort i medhald av plan- og bygningslova sin § 12-14.

Formannskapet - 005/2018

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Masfjorden kommune vedtek at det i medhald av plan- og bygningslova sin § 12-14 vert gjort følgjande mindre reguleringsendring i reguleringsplan for Hosteland sentrumsområde.

Punkt 3.5.1 i føresegna vert endra til følgjande formulering:

Maksimal utnytting for KBA1 er sett til %BRA= 90%. Maksimal mønehøgd er sett til 17,5 meter over gjennomsnittleg planert terreng.

Kommunestyret - 003/2018

KS - behandling:

Framlegg til vedtak vart samrøystes vedteke.

KS - vedtak:

Masfjorden kommune vedtek at det i medhald av plan- og bygningslova sin § 12-14 vert gjort følgjande mindre reguleringsendring i reguleringsplan for Hosteland sentrumsområde.

Punkt 3.5.1 i føresegna vert endra til følgjande formulering:

Maksimal utnytting for KBA1 er sett til %BRA= 90%. Maksimal mønehøgde er sett til 17,5 meter over gjennomsnittleg planert terreng.

Sakspapir

Sakshandsamar	Arkiv	ArkivsakID
Sveinung Toft	FA - L12, HistSak - 12/627	14/562

Saknr	Utval	Type	Dato
003/2018	Formannskapet	PS	16.01.2018
004/2018	Kommunestyret	PS	22.02.2018

2. gangs handsaming av reguleringsplan for Risnes tomteområde - Dragseidevegen

Vedlegg:

Journalposttittel	Dato
Ny revidert reguleringsplan for Risnes Tomteområde	27.09.2017
Oversending av reguleringsplan for reguleringsplan for Risnes tomteområde	24.10.2017
100523 Risnes tomteområde - tomteplan	26.09.2017
100523 Risnes tomteområde - Landskapsanalyse	26.09.2017
100523 Risnes Tomteområde - notat 28.06.17	26.09.2017
100523 Risnes tomteområde - føresegner	26.09.2017
100523 Risnes tomteområde - føresegner	27.09.2017
100523 Risnes tomteområde - planskildring	26.09.2017
100523 Risnes tomteområde - reguleringsplankart	26.09.2017
Uttale - Revidert plan - Trekking av motsegn - Masfjorden - Gnr 6 Bnr 1 mfl - Dragseidevegen - Risnes - Torsvik - Områdereguleringsplan	03.01.2018
Drøfting av revidert planmaterieill for reguleringsplan Risnes tomteområde	06.07.2016
Merknad til reguleringsplan	26.02.2015
Uttale til offentlig ettersyn - Reguleringsplan for Risnes tomteområde - Dragseidevegen - Masfjorden kommune - Hordaland	03.03.2015
Uttale til reguleringsplan	03.03.2015
Fråsegn til offentlig ettersyn av reguleringsplan for Risnes tomteområde - Masfjorden kommune	11.03.2015
Hyttefelt på Risnes	07.04.2015
Reguleringsplan for Risnes tomteområde	07.04.2015
Merknader til reguleringsplan	08.04.2015
Kommentar til reguleringsplan	08.04.2015
Risnes tomteområde	09.04.2015
Risnes tomteområde	09.04.2015
Innspill til Masfjorden kommune reguleringsplan	10.04.2015
Reguleringsplan for Risnes tomteområde - offentlig ettersyn	10.04.2015
Reguleringsplan - innsigelser og kommentarer	10.04.2015
Motsegn Offentleg ettersyn - Masfjorden – gnr. 6 bnr. 1 mfl. - Dragseidevegen - Risnes - Torsvik - Områdereguleringspla	10.04.2015
utbygging, Risnes tomteområde, uttalelse	13.04.2015
Høyringsuttale	27.04.2015
Fråsegn til høyr	02.09.2015

Rådmannen sitt framlegg til vedtak:

Reguleringsplan for Risnes tomteområde vert i medhald av plan- og bygningslova sin § 12-12 godkjent på følgjande vilkår:

- Nytt punkt 5.1.3 (LNFR-området) skal inn i føresegnene:
Vegetasjonen mellom hyttene og sjøen skal takast vare på.
- Krav frå Statens Vegvesen som gjeld talverdiar på siktsoner og svingradius ved fylkesvegen skal påførast plankartet.

Det vert vist til planskildring, samt reviderte plankart og revidert føresegn dagsett 31.08.2017.

Saksopplysningar:

Reguleringsplanen var til handsaming i kommunestyret den 22.06.2016, sak 045/2016. Heile denne saksutgreiinga med vedtaket i kommunestyret om å trekka saka er nedunder vist i kursivskrift. Deretter kjem nye opplysningar og endringar som er kome til etter dette kommunestyremøtet i 2015,

Bakgrunn og fakta

Masfjorden kommune avviser planframlegget slik det ligg føre. Det vert vist til innsendt planmaterieil med revidert plankart og planskildring og føresegner av 31.03.2016.

Nytt planmaterieil må sendast inn før det vert ny handsaming i medhald av plan- og bygningslova sin § 12-10, og då med mellom anna følgjande arealendringar på plass:

- *Småbåthamna og boder til naustføremål vert lokalisert til eit fellesanlegg i BUN2 og BSB1.*
- *BUN2/BSB2 vert regulert til friluftsføremål.*
- *Hyttedelfelta BFF1, BFF9, BFF10 og BFF16, samt dei to sørlegaste tomtene i BFF5 går ut og vert erstatta med friluftsføremål.*
- *Eksisterande hyttetomter må få definerte byggjegranser avgrensa rundt eksisterande bygg.*

Saksopplysningar:

Bakgrunn og fakta:

Føretaket Heide1 AS sende i brev av 1. mai 2014 over framlegg til privat reguleringsplan For Risnes tomteområde, Dragseidvegen. Teknisk utval handsama i møte den 28.08.2016 i sak 017/2014 framlegg til privat reguleringsplan for Risnes tomteområde, Dragseidvegen.

Framlegget til reguleringsplan viste 50 hyttetomter med utnyttingsgrad på maksimalt 20 % BYA. Byggjehøgda vart stort sett lagt til maksimum 6.5 meter. Innanfor planområdet vart det og sett av 8 bustadtomter med utnyttingsgrad på maksimum 25 % BYA. Det vart lagt ut fire område i sjø til småbåtanlegg. Det største området SB2 opna for inntil 42 båtplassar og like mange naust/reidskapsbuer på land. I dei andre område vart det sett av mellom 6 til 10 båtplassar og like mange naust/reidskapsbuer. I tillegg vart det sett av 6 friluftsområde i

varierende storleik og ein leikeplass sør for bustadområdet, og eit friområde på 4,5 dekar.

I kommuneplanen til Masfjorden kommune er området sett av til byggjeområde for hytter med krav

om reguleringsplan. Det er på kommuneplankartet også definert ei funksjonell strandsone som går langt inne på land, og som i realitet reduserer byggjeområdet til berre eit mindre område i god avstand til strandområda rundt.

I tillegg til planskildring, føresegner og plankart vart det og laga ROS-analyse og eigen tomteplan med tomtenummer på. Rådmannen var kritisk til mange punkt i planframlegget og

teknisk utval gjorde i saka vedtak om at planen skulle omarbeidast ein del, og deretter koma attende til utvalet til vidare handsaming.

I møte den 25.11.2014 i sak 022/14 handsama teknisk utval eit revidert planframlegg med 48 hyttetomter og med fire område i sjø til småbåtanlegg. I tillegg låg det inne 8 bustadtomter og område til naust m.v. Administrasjonen rådde til at det eine delfeltet FRF6, som låg sørvest i planområdet, vart teke ut av planen, og at ein også tok ut eit nausttområde UN3 og tilhøyrande småbåtområde SB3, som låg heilt sør i planområdet.

Teknisk utval gjorde i dette møtet samrøystes vedtak om å senda planen ut til offentleg ettersyn i medhald av plan- og bygningslova sin § 12-10 utan at dei tilrådde endringane vart teke med.

Planen var i tidsrommet 21.02.2015 til 10.04.2015 ute til offentleg ettersyn og det kom då inn mange merknader til reguleringsplanen. Mange av merknadane kom frå naboar og andre personar som bur eller brukar nærområdet, og desse var svært kritiske til at det skulle koma eit større hyttefelt i dette kystnære området, og meinte at den samla belastinga med inntil 48 hytter og småbåtplasser til 60 – 70 båtar vil kunna påverka negativt både sjøområdet og landskapet i alt for stor grad.

Det kom og merknader som gjekk på at det var uheldig med både hytter og bustader innanfor same planområdet. I tillegg kom det inn synspunkt som gjekk på at fugle- og dyrelivet (mellom anna hubro, svaner, oter m.v.) ville verta forstyrra, og det kom opp problemstillingar knytt til utslepp, støy frå båtar og anleggstrafikk, samt potensiale for konflikt i høve den kommunal vassleidningen som går ut i Grunnevågen.

Frå Fiskeridirektoratet vart det problematisert kva konsekvensar etablering av 4 småbåthamnar for inntil 70 småbåtar kunne få for eit gyteområde i sjøen utanfor.

Fylkeskommunen krevde først utføring av arkeologisk registrering før dei kunne ta endeleg stilling til planframlegget. I eige brev sendt 01.09.2015 rår dei frå at det kjem bustadområde på denne staden, og peikar på at planen må endrast ein stad for å ta omsyn til eit registrert automatisk freda kulturminne. Fylkeskommunen viser vidare til at landskapsverknaden av tiltaka vil verta stor, og

« meiner tal hytter bør reduserast betydeleg », samt at større deler av planområdet bør bestå som friluftsområde. I brevet foreslår fylkeskommunen m.a. at følgjande byggjeområde vert fjerna frå planen: FRF6, FRF7, FRF8, UN3 og SB3.

Fylkesmannen i Hordaland skriv i brev av 10.04.2015 at dei legg ned motsegn til at det vert opna for inntil 72 naust innanfor planområdet, og krev at desse i alt vesentleg må takast ut av planen. Dei rår til at det i staden for vert bygd bodar i fellesanlegg på land. Vidare legg fylkesmannen ned motsegn til planen si løysing med fire småbåthamnar, og peikar på at 3 av desse ligg i jomfrueleg terreng og difor i verdfull strandsone. Dei rår til at anlegga i staden for kjem i eitt fellesanlegg, og då plassert på ein skånsam måte. Fylkesmannen kjem og med motsegn til

planen si løysing for storleik av hytter og plassering av hytter på særleg eksponerte tomtar, og rår og til at bustadtomtene vert trekt ut av planen. Det vert her vist til at kommuneplanen berre opnar for hytter på denne staden.

Fylkesmannen viser vidare til at kommunen, som ansvarleg styresmakt etter KU-forskrifta må vurdere om planen oppfyller dei lov- og forskriftsmessige kvalitets- og prosesskrava som er sette til planarbeid, og at desse må liggje føre før Fylkesmannen kan ta endeleg stilling til planen, og knytt motsegn til dette kravet. Til slutt skriv Fylkesmannen om alternative prosessar i det vidare planarbeidet.

I e-post dagsett 02.04.2016 sender planleggjar over revidert planframlegg til Masfjorden kommune, og ber om ei avklaring med Fylkesmannen så snart som mogeleg. I følgjebrevet sendt av Heide Egedom vert det vist til møter med Masfjorden kommune og at ein no ønskjer å imøtekomma motsegnene til Fylkesmannen i Hordaland. Dei skisserer difor opp følgjande planendringar i brevet:

Redusert talet naust til 9 m.v.

Redusert talet småbåtanlegg/ naustområde frå 4 til 2.

Reduserer storleiken på hyttene til 120 m2, samt tomteutnyttinga og avventer detaljregulering av dei mest eksponerte tomtene.

Revidert planrapport kjem med ein revidert KU- vurdering basert på ny KU-forskrift og ber om at kommunen gjer ei sjølvstendig vurdering av KU-plikta.

Fjerne bustadområdet og gjer dette om til hytteområde, samt avventar å detaljregulere dette.

Det vert lagd ved eiga kartskisse som med raud innramming og talsetting som tydeleg skal visa planendringane, samt med revidert plankart, reviderte føresegner og revidert planskildring av 31.03.2016. Dette vert vedlagd saka, saman med innkomne merknader til planhøyringa som var i 2015.

Vurdering

Administrasjonen meiner framleis at planfremjar i for liten grad har drøfta og vurdert utbyggingsinteressene opp mot dei strandsoneverdiene som finst i dette sjøområdet, og som også er nedfelt i plan- og bygningslova sin § 1-8, der det står: «I 100-metersbeltet langs sjøen og langs

vassdrag skal det tas særleg hensyn til natur- og kulturmiljø, friluftsliv, landskap og andre allmenne

interesser:» Med tilvising til alle dei kritiske merknadane som kom både frå naboar og andre som bur og brukar dette strand/sjøområdet, samt dei kritiske merknadane som kom frå både fylkeskommunen, Fylkesmannen og andre statlege instansar burde det reviderte planframlegget etter rådmannen si vurdering vorte endra meir både når det gjeld omfanget av hyttetomter og kor desse er plassert i landskapet.

Plandokumentet utset og å ta stilling til endeleg arealbruk innanfor to av hytteområda (BFF16 og BFF1), og legg opp til desse to områda først seinare skal drøftast gjennom eigne detaljplanar. Administrasjonen meiner at dette ikkje er tilrådeleg og at dette grepet også er i strid med statlege føringar for korleis reguleringsplanar skal lagast. Denne planen er ein privat detaljplan etter § 12-3, og ikkje er offentleg områdeplan etter regelverket i plan- og bygningslova sin § 12-2. Planen må difor endrast ved at arealbruken vert definert og synleggjort for alle delområda før planen eventuelt kan gå vidare til offentleg ettersyn.

Administrasjonen har gått gjennom planskilddinga og meiner at merknadane frå både naboar og andre som kom inn under høyringa vert underkommunisert, og at den store motstanden mot

omfanget av hyttebygginga og mengden båtplassar difor ikkje kjem særleg godt fram i det reviderte planmateriellet.

Omfanget av hytter er difor eit viktig tema som no bør drøftast tungt politisk med bakgrunn i alle dei innkomne merknadane, og elles i høve den overordna kommuneplanen. Kor viktig det er for Masfjorden kommune å leggja til rette for store hyttefelt i verdifulle rekreasjonsområde for sjø og båtliv, og i strandområde med høge kvalitetar med omsyn på biologisk mangfald er då spørsmålet kommunestyret bør ta stilling til.

Det reviderte planmateriellet viser framleis hyttetomter på høgdedraga og på eksponerte stadar i terrenget, og den funksjonelle strandsona er i liten grad vorte respektert i planen. I føresegn 2.1.3 i kommuneplanen står det skrive at « meir detaljert juridisk byggegrense skal fastsettest i samband med reguleringsplanprosessen, der omsynet til strandsoneverdiane skal særleg vektleggast.»

Rådmannen meiner at saka no bør leggjast fram for kommunestyret til ein prinsipiell drøfting om korleis arealbruken bør verta i dette området, og vil peika på to aktuelle retningar:

Planen vert avvist slik den ligg føre, med merknad om at omfanget av hyttetomter i området bør reduserast vesentleg, og at fylkesmannen sine faglege merknader i stor grad bør følgjast ved at ein ikkje regulerer inn hytter på eksponerte tomtar, og i stor grad unngår å byggje utanfor den funksjonelle strandsona slik den er definert i kommuneplanen. Småbåthamna og boder til naustføremål vert lokalisert til eit fellesanlegg i BUN2 og BSB1 , og BUN2/BSB2 vert regulert til friluftsføremål. Hyttedelfelt BFF1, BFF9, BFF10 og BFF16, samt dei to sørlegaste tomtene i BFF5 går ut og vert erstatta med friluftsføremål. Eksisterande hyttetomter må få definerte byggjegranser avgrensa rundt eksisterande bygg. Nytt planmaterieil må sendast inn til ny handsaming i medhald av plan- og bygningslova sin § 12-10.

Planen vert sendt på høyring for 2. gang. Før dette vert gjort må det lagast planprogram som definerer planarbeidet nærmare og kva konsekvensutgreiing som må gjennomførast i medhald av KU-forskrifta. KU-utgreiinga må gjennomførast før planen kan utformast og endeleg handsamast.

Rådmannen meiner at om kommunestyret følgjer alternativ 1 vil ein kunne forsvare at planen oppfyller dei lov- og forskriftmessige kvalitets- og prosesskrav som vert sett til planarbeid, og at endringane som då gjort i planen berre i mindre grad vil utfordra forskrift om konsekvensutgreiing sin § 2 punkt d, der det står at reguleringar som omfattar nye område til utbyggingsføremål alltid må handsamast etter forskrifta. Ved å gjera desse planendringane vert omfanget av arealinngrep redusert slik at det ikkje bør vera naudsynt å kreva konsekvensutgreiing.

Vel kommunestyret å følgja alternativ 2 utan krav om KU-utgreiing vil det kunne medføre mange rundar med klager, motsegn frå Fylkesmannen og stor sjanse for at reguleringsplanen vert underkjent etter klage på grunn av manglande konsekvensutgreiing og faglege kvalitetskrav m.v.

Rådmannen er uansett usikker på om utbyggjar vil oppnå noko med ei KU-utgreiing, sidan konfliktgraden mot andre arealinteresser i dette strandområdet ikkje vil forsvinna uansett utgreiingsarbeid. I så fall må heile planen endrast vesentleg ved at ein byggjer ut området med eit heilt anna arkitektonisk uttrykk, og då ved ei heilskapeleg utbygging i profesjonell regi.

Konklusjon

Rådmannen rår til at kommunestyret følgjer alternativ 1, og at det reviderte planframlegget vert avvist med føringar for kva som bør endrast i planen, jf. punkt 1 ovanfor.

Formannskapet - 066/2016

FS - behandling:

Ordførar Karstein Totland (H) orienterte kort og saka vart drøfta.

Ass.rådmann Sveinung Toft gjorde merksam på at det var skrivefeil i første kulepkt. Det skal stå

*..... lokalisert til eit fellesanlegg i **BUN1** og **BSB1***

Framlegg til vedtak med retting frå rådmannen vart samrøystes tilrådd til kommunestyre.

FS - vedtak:

Masfjorden kommune avviser planframlegget slik det ligg føre. Det vert vist til innsendt planmaterieil med revidert plankart og planskildring og føresegner av 31.03.2016.

Nytt planmaterieil må sendast inn før det vert ny handsaming i medhald av plan- og bygningslova sin § 12-10, og då med mellom anna følgjande arealendringar på plass:

*Småbåthamna og boder til naustføremål vert lokalisert til eit fellesanlegg i **BUN1** og **BSB1**.*

***BUN2/BSB2** vert regulert til friluftsføremål.*

*Hyttedelfelta **BFF1**, **BFF9**, **BFF10** og **BFF16**, samt dei to sørlegaste tomtene i **BFF5** går ut og vert erstatta med friluftsføremål.*

Eksisterande hyttetomter må få definerte byggjegranser avgrensa rundt eksisterande bygg.

Kommunestyret - 045/2016

KS - behandling:

KS - vedtak:

Nye opplysningar i saka etter kommunestyremøtet den 22.06.2016:

På bakgrunn av at saka vart trekt og på grunn av motsegnsbrevet frå Fylkesmannen vart det halde møte med Fylkesmannen, kommunen og utbyggjar/planleggjar på Statens hus den 04.01.2017. Under møtet vart det orientert om bakgrunnen for motsegna, og alle partar fekk ei betre forståing for dei ulike posisjonen som var til stades i saka. På bakgrunn av dette vart det i e-post av 05.09.2017 frå utbyggjar sendt over revidert reguleringsplan. I denne oversendinga står det mellom anna:

«Vedlagt ligger justert reguleringsplanmaterieil for Risnes Tomteområde.

Foruten justering av føresegnene pkt. 2.4.2 og 2.4.3 er det lagt inn tomtenummerering i selve

reguleringsplankartet i tillegg til for tomteplanen. Med denne endringen vil planutredning, plankart og føresegner stemme overens også med referanse til reguleringsplankartet.

Det er endret dato på reguleringsplankart, føresegner og planskildring. Bare ta kontakt dersom ytterligere spørsmål.»

I eige notat av 28.06.2017 skriv planleggjar følgjande til endringane som er gjort opp mot motsegnspunkta til Fylkesmannen:

«Fylkesmannen har benyttet sin innsigelsesrett på 4 punkter.

1. Omfanget av naust

2. Planen si løysing for småbåthamner

3. Planen si løysing for storleik på og plassering av hytter på særleg eksponerte tomter

4. Kommunen, som ansvarleg styresmakt etter KU-forskrifta, må vurdere om planen oppfyller

dei lov- og forskriftsmessige kvalitets- og prosesskrava som er sette til planarbeidet.»

I dette notatet vert landskapsanalysen som er gjort skildra, og at det er utarbeida 3D – presentasjonar av det mest eksponerte området i den sørvestre delen av planområdet. Vidare at dette arbeidet har medført ei endring av reguleringsplanen med ei tilbaketrekking av byggjegrensa mot sjø i sørvestre og nordvestre del, og at planen også har vorte endra med avgrensingar og avbøtande tiltak for dei mest sjønære tomtene.

Det vert og drøfta i notatet tilhøvet til konsekvensutgreiingsforskrifta (KU-forskrifta). Det vert her konkludert med at planen ikkje utløyser krav om konsekvensutgreiing. Kommunen vert utfordra til å gjera ei sjølvstendig vurdering etter KU-forskrifta, på bakgrunn av notatet og det innsende materialet.

I brev dagsett 23.10.2017 frå kommunen vart dei reviderte plandokumenta sendt over til Fylkesmannen i Hordaland med oppmoding om at denne trakk motsegna gjeve i brevet den 10.04.2015. Dokumenta som vart sendt over var :

- Plankart av 31.08.2017
- Føresegner av 31.08.2017
- Tomteplan
- Landskapsanalyse dagsett 15.03.2017
- Planskildring
- Notat dagsett 28.06.2017 om dei reviderte plandokumenta

I brevet vart endringane skildra, og kommunen kom og med sin konklusjon om at med det kunnskapsgrunnlaget som landskapsanalysen gav, og med dei tilpassingane som var gjort med omsyn på storleik og lokalisering av fritidstomtene, burde ikkje planen utløysa KU-krav. Det vart mellom anna vist til KU-forskrifta om planer som skal vurderast etter vedlegg II , som handlar om tiltak som skal vurderast nærmare og konsekvensutgreiast dersom dei kan få vesentlege verknader for miljø og samfunn.

Fylkesmannen i Hordaland har no i brev dagsett 03.01.2018 trekt motsegna, og kjem samstundes med fagleg råd om å ta inn i føresegnene eit eige punkt om å ta vare på vegetasjonen mellom hyttene og sjøen framanfor dei mest eksponerte tomtene.

Vurdering

Planendringane er etter kommunen si vurdering gjort for betre å tilpassa seg føringar gjeve i overordna kommuneplan. Ein del av hyttetomtene vil koma i bestemmelsesområdet mot sjø vist i kommuneplanen, men omfanget vil vera avgrensa og er tilpassa landskapsanalysen. Verdiane til grøne areal innanfor planområdet er etter administrasjonen si vurdering og avgrensa, og det er først og fremst eksponeringa ut i sjøbassenget utanfor som har konsekvensar for friluftslivet. Landskapsanalysen viser at det på grunn av øymylderet i sjøbassenget rundt og på grunn av all vegetasjonen er store deler av utbyggingsområdet mindre synleg frå fjorden, og frå bygdene på fastlandet.

Det vert og vektlagt at hyttene i område FRF1-3 (tomter i sørvest) skal ha ei maksimal storleik i samsvar med kommuneplanen på 90 m2 BRA inkludert overbygd terrasse og overbygd parkering. Vidare at maksimum mønehøgda er sett til 6 meter og maksimum gesimshøgda er 4 meter. På eksponerte tomter er det og fastsett kotehøgde på mønehøgda, som er tilpassa terrenget. Storleiken på hyttene og omfanget kan difor etter administrasjonen si vurdering ikkje medføra at det samla tiltaket vil få vesentlege verknader for miljø eller samfunn. Det at det er gjort ein god landskapsanalyse, i tillegg til revidert planskilddring og adekvat ROS-analyse, gjer at grunnlaget no er tilstrekkeleg til å vurdera reguleringsplanen sin innverknad på miljø og omgjevnader.

Ein vil og vise til at brevet frå Fylkesmannen i Hordaland dagsett 03.01.2018 no opnar for at Masfjorden kommune kan eigengodkjenna reguleringsplanen i medhald av plan- og bygningslova sin § 12-12. Dei tidlegare problemstillingane knytt til omfanget av naust og småbåtanlegg, storleiken og plassering av hytter på eksponerte tomtar, samt manglande vurdering av KU-forskrifta er etter fylkesmannen si vurdering no avklart, ved at planen er vorte endra og ved utarbeidinga av landskapsanalysen. Rådet frå Fylkesmannen, om å ta inn i føresegnene eit eige punkt om å ta vare på vegetasjonen mellom hyttene og sjøen framanfor dei mest eksponerte tomtene er noko som rådmannen meiner vil redusera noko av landskapspåverknaden, og difor noko ein vil rå til vert teke inn som vilkår i vedtaket.

Rådmannen vil vise til at det er mange som kom med merknader til framlegget til reguleringsplan, då denne var på høyring i 2015, og at fleire av desse er sterkt kritisk til omfanget av hytter i reguleringsplanen, samt at det planlagde hyttefelt vil medføra både meir båtttrafikk og påverka vilt og landskap og miljø negativt. Rådmannen meiner at konsekvensane no er tilstrekkeleg utgreidd, og at planframlegget med dei endringane som er gjort meir er i samsvar med kommuneplanen sin arealdel (som vart vedteken i 2012). Ein har likevel forståing for at det er ulike synspunkt knytt til omfanget av hyttetomter i denne delen av kommunen, og at mange ikkje ønskjer meir båtttrafikk og hytter i dette øy- og fjordlandskapet, som er registrert til å ha høg verdi for både vilt og friluftsliv i regionale verdisettingskart. Når det gjeld merknader knytt til utslepp, vil ein vise til at dette vil verta vurdert særskilt gjennom forureiningslova med forskrifter, og då først når det vert sendt inn søknad om utsleppsløyve. At det er ulike synspunkt om omfanget av hytter kontra bustader i dette feltet har administrasjonen og notert seg. Ein vil vise til at det i planframlegget ligg inne 7 bustadtomter heilt nord i planområdet, og peike på at desse difor vil liggje i utkanten av det planlagde hyttefeltet (med 45 nye hyttetomter.)

Krav frå Statens Vegvesen som gjeld talverdiar på siktsoner og svingradius ved fylkesvegen skal påførast plankartet, og dette som er eit kurant krav vert difor tilrådd teke inn som eit vilkår i vedtaket.

Vidare meiner ein at planløyysinga som er gjort etter at kommunestyret sist hadde saka til handsaming har medført viktige forbetringar, og med bakgrunn i dette kan ein tilrå at reguleringsplanen kan godkjennast. Alternativet til ikkje å godkjenna reguleringsplanen er å avvise reguleringsplanen. Eit positivt vedtak kan klagast på, då vil formannskapet vera klageinstans, og saka gå vidare til Fylkesmannen i Hordaland til endeleg slutthandsaming.

Konklusjon

Rådmannen meiner at reguleringsplanen for Risnes tomteområde no kan godkjennast i medhald av plan- og bygningslova sin § 12-12, med tilvising til vedlagde planskildring, samt reviderte plankart og revidert føresegn dagsett 31.08.2017. Ein legg då til grunn at føresegnene knytt til å ta vare på vegetasjonen mellom eksponerte hyttetomter og sjøen vert teke inn i eige punkt slik fylkesmannen tilrår, samt at talverdiar knytt til krysset ved fylkesvegen vert påført plankartet.

Formannskapet - 003/2018

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Reguleringsplan for Risnes tomteområde vert i medhald av plan- og bygningslova sin § 12-12 godkjent på følgjande vilkår:

- Nytt punkt 5.1.3 (LNFR-området) skal inn i føresegnene:
 - Vegetasjonen mellom hyttene og sjøen skal takast vare på.
- Krav frå Statens Vegvesen som gjeld talverdiar på siktsoner og svingradius ved fylkesvegen skal påførast plankartet.

Det vert vist til planskildring, samt reviderte plankart og revidert føresegn dagsett 31.08.2017.

Kommunestyret - 004/2018

KS - behandling:

Saka vart drøfta.

John Torsvik (H) sette fram følgjande tillegg til framlegg til vedtak:

nytt rekkefølgekrav 1.3.4 i føresegnene:

Før det kan gjevast igangsettingsløyve til hytter innafor planområdet må infrastrukturen knytt til veg, vatn og avlaup m.v fram til tomtene i bustadområda BF1, BF2 og BF3 vera ferdigstilt.

Framlegg til vedtak med tillegget frå H vart samrøystes vedteke.

KS - vedtak:

Reguleringsplan for Risnes tomteområde vert i medhald av plan- og bygningslova sin § 12-12 godkjent på følgjande vilkår:

- **Nytt punkt 5.1.3 (LNFR-området) skal inn i føresegnene:**

Vegetasjonen mellom hyttene og sjøen skal takast vare på.

- **Krav frå Statens Vegvesen som gjeld talverdiar på siktsoner og svingradius ved fylkesvegen skal påførast plankartet.**

- **Nytt punkt 1.3.4 skal inn i føresegnene:**

Før det kan gjevast igangsettingsløyve til hytter innafor planområdet må infrastrukturen knytt til veg, vatn og avlaup m.v fram til tomtene i bustadområda BF1, BF2 og BF3 vera ferdigstilt.

Det vert vist til planskildring, samt reviderte plankart og revidert føresegn dagsett 31.08.2017.

Sakspapir

Sakshandsamar	Arkiv	ArkivsakID
Sveinung Toft	FA - L12	18/22

Saknr	Utval	Type	Dato
004/2018	Formannskapet	PS	16.01.2018
005/2018	Kommunestyret	PS	22.02.2018

Drøfting oppstart av offentlig reguleringsplan for naustområde på Hosteland med omkringliggende areal

Vedlegg:

Journalposttittel	Dato
IMAG5210	09.01.2018
Vedlegg Situasjonsplan (L)(5140)	09.01.2018
Vedlegg Bilde, illustrasjon (L)(5139)	09.01.2018
VS Fv 570 Masfjorden; Hosteland	09.01.2018
Kryss Hosteland alt 1 2013-08-23	09.01.2018
Vedtak i klagesak som gjeld dispensasjon for oppføring av sju naust, g (L)(41519)	09.01.2018
Planforslag_1	09.01.2018
Planforslag_2	09.01.2018

Rådmannen sitt framlegg til vedtak:

Saka vert lagt fram til drøfting.

Saksopplysningar:

Bakgrunn og fakta:

I kommuneplanen sin arealdel (som vart vedteken i 2012) er naustområdet på Hosteland lagt ut til eit naustområde med krav om reguleringsplan før nye tiltak kan godkjennast. Sjøområdet utanfor er avsett til småbåthamn. Landarealet er omfatt av funksjonell strandsone. For byggjeområde innanfor denne sona skal den endelege byggjegrensa mot sjø verta fastsett i reguleringsplan.

Området, som ligg på gnr. 14 bnr. 3, vart skilt ut til felles areal i innmarksutskiftinga i 1865 som lastetomt og gardsbruk på Hosteland har naustrett etter utskiftingskart av 1862.

Masfjorden kommune gav i sak 060/2014 den 09.01.2015 dispensasjon til riving av eksisterande naust og bygging av 7 nye naust i naustområdet. Fleire av dei om søkte gardnausta skulle ha grunnflater mellom 60 – 70 m² og mønehøgde på inntil 5,5 meter. Planen var å fylla ut masse i vika og få til ei fylling der nausta kunna byggjast på.

Kommunen meinte at dei om søkte tiltaka med 7 naust ville vera viktig både for å få utvikla naustmiljøet og for å få dette meir funksjonelt og tiltalande. Tiltaket ville heller ikkje medføre noka bruksendring sidan det har vore i bruk til gardsnaust for gardane på Hosteland i hundrevis av år.

Hordaland fylkeskommune rådde i brev av 12.09.2014 sterkt frå at det skulle gjevast dispensasjon med riving av eksisterande naust og oppføring av heilt nye. Det vart peikt på at området hadde stor kulturminneverdi. Fylkesmannen i Hordaland rådde og frå at det skulle gjevast dispensasjon.

Fylkesmannen i Hordaland klaga likevel på vedtaket med tilvising til at det var i strid med kommuneplanen sine føresegner om storleik på naust og plankrav, og problematiserte behovet for parkeringsplassar og korleis ålmenta sin ferdselsrett kunne sikrast.

Denne klagen vart seinare i brev av 27.09.2016 stadfesta av settefylkesmannen i Sogn og Fjordane, sjå vedlegg. Dette vedtaket er endeleg og kan ikkje påklagast vidare, jf. forvaltningslova sin § 28 tredje ledd.

I samband med arbeidet med reguleringsplan for sentrumsområdet på Hosteland (godkjent 18.juni 2015) kom det sterke føringar i brev av 20.02.2015 frå Statens Vegvesen om at kommunen burde utvida planområdet til og å gjelda vegkrysset mot Ynnesdalsvegen. Etter drøftingar gjekk Statens Vegvesen med på å avventa dette, men det kom klare forventningar om at kommunen snarast skulle prioritere å regulere området aust for sentrumsplanen.

Statens Vegvesen gjorde alt i 2013 ei vurdering av ulike alternative løysingar for å løyse framtidige utfordringar i dette kryssområdet. Det vert vist til vedlagde e-post av 27. august 2013, der 5 alternativ er vorte vurdert. Alternativ 1 vart då tilrådd, sjå vedlagde teikning.

Vurdering

I dag framstår naustområdet til nedfalls og fleire av nausta er kome i ein tilstand der dei ikkje kan rehabiliterast lenger. Det har opp gjennom åra vore mange tunge og vanskelege prosessar knytt til dette naustområdet, der både grunneigarane og kommunen, samt regionale etatar har engasjert seg. Plankravet ligg der, og det er per i dag uvisst om ein gjennom arbeidet med ny kommuneplan vil få regionale styresmakter med på å fjerna dette kravet.

Samstundes vil administrasjonen visa til dei sterke føringane Statens Vegvesen kom med om å utvida planområdet til kryssområdet Ynnesdalsvegen (Fv374/Fv570) i samband med reguleringsplanen for sentrumsområdet på Hosteland, og at om ein først opnar for å starta ein reguleringsplanprosess, også bør ta med dette planområdet. For ordens skuld har administrasjonen difor lagt to skisser til eventuell planavgrensing, Skisse 1 (planforslag 1) viser berre naustområdet med tilhøyrande sjøareal, skisse to (planforslag 2) viser eit større område som også fangar opp dei arealmessige utfordringane knytt til kryssområdet i og langs fylkesveg 570 til plangrensa til reguleringsplanen for Hosteland sentrumsområde.

Ut frå tidlegare røynsle med å tinga reguleringsarbeid er det vanlegvis både rimelegare og mindre kostnadskrevjande å laga ein reguleringsplan for eit noko større område, enn å laga to reguleringsplanar, som ligg inntil kvarandre. Kostnaden med å få laga ein reguleringsplan i regi av eit planføretak vil sannsynlegvis koma ein stad mellom krone 200 – 350.000,- uansett storleiken på planområdet. For administrasjonen vil det vera både tidssparande og mest rasjonelt å handsama heile området i ein ordinær planprosess. Rådmannen meiner det vil vera lettare å legitimera at det vert laga ein offentleg reguleringsplan om kryssløysinga også vert omfatta av plantinginga, jf. krava frå Statens Vegvesen.

Rådmannen vil og visa til at det i dokumentet : Planstrategi for Masfjorden kommune 2016 - 2020,

som vart vedteken i kommunestyret den 28.09.2016, er oppstart av reguleringsplan for kryss Ynnesdalsvegen inkludert naustområdet teke med med. I same dokumentet vert det og førelått oppstart av reguleringsplan for kaiområdet på Matre med omkringliggjande bustadareal. Av kapasitetsmessige grunnar vil ein ikkje rå til oppstart av begge desse reguleringsplanane i 2018.

Konklusjon

Planstrategidokumentet som vart godkjent i 2016 er førande for kva planarbeid kommunen skal starta opp. Rådmannen rår til at det no vert drøfta om det er føremålsteneleg å prioritere oppstart av reguleringsplan for området ved Hosteland, slik planstrategidokumentet legg opp til og med planområdet slik kartskisse 2 viser, eller om kommunen heller skal gå for ein meir avgrensa reguleringsplan berre for naustområdet, slik kartskisse 1 viser.

Formannskapet - 004/2018

FS - behandling:

Saka vart drøfta.

Formannskapet jobba fram følgjande framlegg til vedtak:

Formannskapet ønskjer at det vert laga eigen reguleringsplan for naustområde på Hosteland med omkringliggjande areal og at saka kjem attende til formannskapet som oppstartsvedtak.

Reguleringsplan for vegløyning for fv 570 butikken på Hosteland til tunnelen, samt kryss fv 570 Fensfjordvegen x fv 376 Ynnesdalsvegen inkludert avkøyninga til Hosteland kai / Treet vert å kome attende til og vert framlagt som eige sak.

Framlegg til vedtak jobba fram i møtet vart samrøystes tilrådd til kommunestyret.

FS - vedtak:

Formannskapet ønskjer at det vert laga eigen reguleringsplan for naustområde på Hosteland med omkringliggjande areal og at saka kjem attende til formannskapet som oppstartsvedtak.

Reguleringsplan for vegløyning for fv 570 butikken på Hosteland til tunnelen, samt kryss fv 570 Fensfjordvegen x fv 376 Ynnesdalsvegen inkludert avkøyninga til Hosteland kai / Treet vert å kome attende til og vert framlagt som eige sak.

Kommunestyret - 005/2018

KS - behandling:

Saka vart drøfta

Tove Kristin Sleire Tistel (V) sette fram følgjane endringsframlegg:

Masfjorden kommunestyre vedtar at reguleringsplan for naustområde på Hosteland vert starta opp 1.halvår 2018.

Reguleringsplan for vegløyning for fv 570 butikken på Hosteland til tunnelen, samt kryss fv 570 Fensfjordvegen x f 376 Ynnesdalsvegen inkludert avkøyninga til Hosteland kai / Treet vert fremja som eigen sak.

Framlegg til vedtak frå V vart samrøystes vedteke.

KS - vedtak:

Masfjorden kommunestyre vedtar at reguleringsplan for naustområde på Hosteland vert starta opp 1.halvår 2018.

Reguleringsplan for vegløyising for fv 570 butikken på Hosteland til tunnelen, samt kryss fv 570 Fensfjordvegen x f 376 Yndesdalsvegen inkludert avkøyringa til HostelandI kai / Treet vert fremja som eigen sak.

Sakspapir

Sakshandsamar	Arkiv	ArkivsakID
Svein Helge Hofslundsengen	FE - 026	18/80

Saknr	Utval	Type	Dato
012/2018	Formannskapet	PS	13.02.2018
006/2018	Kommunestyret	PS	22.02.2018

IKTnh - omorganisering og utviding

Vedlegg:

Journalposttittel

Dato

Sak 3-18 Vedtekter - IKT Nordhordland - endring til paragraf 27

06.02.2018

Sak 3-18. Mandat for konseptfase - IKT Nordhordland utviding av samarbeidet

06.02.2018

Protokoll Regionrådet 1-2018, 31. januar

06.02.2018

Rådmannen sitt framlegg til vedtak:

1. **Masfjorden kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka.**
2. **Masfjorden kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.**

Saksopplysningar:

IKT Nordhordland er leverandør av IKT tenester til kommunane Lindås, Osterøy, Modalen, Vaksdal, Meland, Radøy, Austrheim, Fedje og Masfjorden. IKT Nordhordland vart etablert i 2011 gjennom ein samarbeidsavtale der eininga vart organisert som eit § 28 vertskommunesamarbeid. Osterøy kommune er vertskommunen.

Samarbeidet har bidratt til gode og effektive IKT tenester i regionen og samarbeidande kommunar nyter gode og effektive tenester av høg kvalitet.

Krav til digitalisering og utvikling set nye krav til organisering og utvikling av IKT området. Dette medfører at Nordhordland må revurdere dagens organisering av IKT området. I tillegg har andre kommunar meldt si interesse for å delta i samarbeidet til Nordhordland.

På bakgrunn av dette vert det naudsynt å ta stilling til to hovudspørsmål:

1. Dagens vertskommunemodell oppfyller ikkje krava til eigenregi i forvaltning av IKT tenestene på vegne av andre kommunar i eit samarbeid. Dette medfører at det er

naudsynt med endring i vertskommune modellen. Ei slik endring vil vera viktig del av den formelle styringsmodellen for samarbeidet, med eller utan utviding av samarbeidet med fleire kommunar.

2. Opptak av nye samarbeidande kommunar i IKT samarbeidet.

1. Organisering av samarbeidet på IKT området

For å møte framtidige utfordringar foreslår ein å omorganisere samarbeidet etter kommunelova § 27. Denne ordninga oppfyller lov om offentlege anskaffingar sine krav til unntak for eigenregi. Eigenregi, som legg til grunn at deltakande kommunar har styring over organiseringa i samarbeidet, er ein føresetnad for å vera i samsvar med reglane for offentlege anskaffingar.

Loven stiller krav til at det skal være vedtekter for det interkommunale styret. Minimumskrava til kva vedtektene skal ha som føresegn er:

- a. Styrets samansetning og korleis det vert utpeika
- b. Området for styrets verksemd
- c. Om deltakarkommunane skal gjera innskot til verksemda
- d. Om styret har myndigheit til å ta opp lån eller på annan måte pådra deltakarane økonomiske forpliktingar
- e. Tre ut frå eller oppløysning av samarbeidet

Det er ikkje noko i vegen for at ein fylkeskommune eller kommune kan tiltre eit eksisterande § 27 samarbeid, men dei deltakande kommunane må akseptere det gjennom å endre vedtektene.

I eit interkommunalt styre må alle deltakande kommunar og fylkeskommunar vere representert. Styret si samansetning vil bestå av Rådmennene i kvar kommune. Utan ein slik representasjon ville ein i realiteten ha overdratt vedtak- og styringsmyndigheten til dei andre deltakarane. Når mange deltar i samarbeidet, vil styret kunne verta uhensiktsmessig stort. Det kan difor vere hensiktsmessig at Styret fungerer som eit Representantskap og kan ha eit mindre organ under seg som kan fungere som eit styre. Det høgaste organ vil framleis vera Representantskapet (styret etter reglane i KommuneLova § 27).

2. Orientering om moglegheit for å utvide samarbeidet

IKTNH har motteke interesse frå fleire kommunar i Hordaland om å delta i IKT samarbeidet til Nordhordland. Med bakgrunn i dei satsingane som no kjem i kommunesektoren, vil mange av kommunane ha ei stor utfordring med kompetanse, kapasitet og økonomi til å henge med på den utviklinga som skjer. I dette skjeringspunktet vil IKTNH kunne tilfredsstille behova som dei interesserte kommunane har til IKT-driftstenester og -tenester, men som dei sjølv ikkje vil ha kapasitet til å drifte og utvikle. For desse kommunane vil eit samarbeid med Nordhordland regionen på IKT vera særskilt aktuelt.

Det representerer ei stor moglegheit for Nordhordland og byggje verdi på dei investeringane som er gjort på IKT infrastruktur. Samtidig vil Regionen markere seg som ein sentral og viktig part i vidareutviklinga for IKT i Hordaland. Dette er også støtta av Fylkesmannen som ynskjer økt grad av samarbeid, slik at kommunar som ikkje har evne til å utvikla seg får eit IKT fagleg løft.

Organisering av IKTNH som eit §27 selskap legg til rette for ei utviding av samarbeidet om det skulle

vere ønskjeleg frå kommunane i Nordhordland.

Ei konseptfase vil avklare grunnlaget for ei utviding av IKT samarbeidet med fleire kommunar. Resultatet av konseptfasen vil verta framlagt regionrådet for eit vedtak om eventuelt å gå vidare med eit planleggingsprosjekt. Eit planleggingsprosjekt vil danne grunnlaget for ei utgreiing om eit endeleg vedtak om utviding av samarbeidet. Denne utgreiinga med forslag til vedtak vert framlagt kommunestyrene i Nordhordland for endelege vedtak.

Formannskapet - 012/2018

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

1. Masfjorden kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka.
2. Masfjorden kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Kommunestyret - 006/2018

KS - behandling:

Saka vart drøfta.

Framlegg til vedtak vart samrøystes vedteke.

KS - vedtak:

1. Masfjorden kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka.
2. Masfjorden kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Sakspapir

Sakshandsamar	Arkiv	ArkivsakID
Anne Kristin Rafoss		18/106

Saknr	Utval	Type	Dato
007/2018	Kommunestyret	PS	22.02.2018

Referatsak

Tilknytte dokument:

1. Avtale om presteteneste i Gulen, Masfjorden og Solund
2. Oppdatert Sakliste Regionråd 2-2018
3. Møteutskrift - Kontrollutval Masfjorden 15. februar 2018
4. Særutskrift: Kontrollutvalet si årsmelding for 2017 - Masfjorden kommune
5. Skatt t.o.m. november
6. Skatt t.o.m desember - 2017
7. Skatt t.o.m desember

Rådmannen sitt framlegg til vedtak:

Referatsaker vert tekne til orientering

Saksopplysningar:

Kommunestyret - 007/2018

KS - behandling:

Skriftlege spørsmål:

Janne-Judith Kvamsdal Sandnes (FrP) stilte følgjane spørsmål:

Vi lurar på korleis styringsgruppa for handsaming av kommuneplanen er sett saman? Frp har ikkje vore kalla inn til møte vedr. Kommuneplanen og eg er kjent med at Venstre heller ikkje har vorte kalla inn på desse møte i styringsgruppa. Det vil vere heilt naturleg at styringsgruppa vert utvida til å

inkludere alle parti i denne viktige prosessen. Det vil vere vanskeleg for oss å ha oversikt og ta stilling til denne planen, når vi ikkje har vore ein del av heile prosessen.

Masfjorden FrP vil dersom foreslå at FrP og Venstre også får ta del i desse styringsgruppemøta vedr. Kommuneplanen.

Kommunestyret slutta seg samla til dette og ordførar kjem tilbake med den praktiske løysinga.

Referatsaker:

1. Avtale om presteteneste i Gulen, Masfjorden og Solund
2. Oppdatert Saksliste Regionråd 2-2018
3. Møteutskrift - Kontrollutval Masfjorden 15.februar 2018
4. Særutskrift: Kontrollutval si årsmelding for 2017 - Masfjorden kommune
5. Skatt t.o.m. november
6. Skatt t.o.m. desember - 2017
7. Skatt t.o.m. desember

Orientering frå ordførar:

- arbeid med punktutbetring av fv 570 har vore på anbod og ein er i sluttfasen med forhandlingane.
- lærlingeordninga - ein ser på om Nordhordland kan ha ein lærlingegaranti.
- møte med statssekretær (FrP og KrF) i samferdsels- og kommunaldepartemenet ang Masfjordsambandet.

Orientering frå rådmann:

endring av møteplan for kommunestyret:

- 30.april vert flytta til 3.mai
- 14.juni vert flytta til 18.juni

Kommunestyret slutta seg til desse endringane

Felles Næringspris med Gulen - endra framdrift for å fremje kandidatar. Masfjorden kommune sluttar seg til vedtekene lagt fram av Masfjorden og Gulen næringsråd.

Rådmannen orienterte om framdrift for saldering av budsjettet inkludert distriktsindeksen og eigedomsskatten.

Rådmannen orienterte om status for Tannlegesaka.

Rådmannen orienterte om rekneskapen for 2017 som snart er ferdigstilt.

Rådmannen orienterte om at det er gjort eit administrativt vedtak på at Masfjorden kommune står som utbyggjar for Ervikneset.

Framlegg til vedtak vart samrøystes vedteke.

KS - vedtak:

Referatsaker vert tekne til orientering

Rett utskrift frå møteboka frå kommunestyret 22.02.18 vert vitna:

Karstein Totland
ordfører

John Torsvik
kommunestyremedlem

Tove Kristin Sleire Tistel
kommunestyremedlem